

a pag. 1238. necnon in Libro Basilicorum Tom. I. p. 10. exstat *Justiniani Imper. Epistola ad Epiphanium Sanctissimum ac Beatissimum Archiepiscopum Urbis hujus Regiæ & Universalem Patriarcham*, quæ incipit: *Scire volentes Sanctitatem tuam omnia, quæ ad Statum Ecclesiasticum spectant*. In qua ait Justinianus: *Quippe repertis quibusdam alienis a Sancta Catholica & Apostolica Ecclesia, qui errorem impiorum Nestorii & Eutychetis sequuntur, eorumque blasphemias utuntur: Sacrum Edictum proposuimus, quod ad tuæ quoque Sanctitatis noticiam pervenit, quo hæreticorum insaniam refutavimus, nulla re prorsus immutata, nec quidquam immutantes, aut prætermittentes, quod ad Statum Ecclesiasticum spectet, qui adjuvante Deo hætenus obtinuit, sicut & tua novit beatitudo: sed per omnia statum Unionis Sanctissimarum Ecclesiarum, erga Sanctissimum Romæ Veteris Papam & Patriarcham custodientes, ad quem his etiam similem perscripsimus: nec enim patimur, ut aliquid eorum, quæ ad Statum Ecclesiasticum pertinent, non etiam ad ipsius beatitudinem referatur: quum ea sit Caput omnium Sanctissimorum Dei Sacerdotum: & quotiescunque his in partibus hæretici fuerunt enati, per sententiam rectumque illius Venerabilis Sedis aboliti sint. Dat. VII. Kal. Apr. Cp. Dn. Justinian. PP. A. III. Cos. (Chr. 533.)* Ad eundem Epiphanium Constantinopolitanum Patriarcham directæ sunt complures Justiniani Novellæ, quarum supra facta est recensio. Nimirum, III. Ut determinatus sit numerus Clericorum Sanctissimæ majoris Ecclesiæ, nec non cæterarum Sanctissimarum Ecclesiarum hujus augustissimæ Urbis Constantinopolitanæ. V. De Monachis & Monasteriis, & eorum Abbatibus. VI. Quomodo oporteat Episcopos & cæteros Clericos ad ordinationem perducere, & de expensis Ecclesiarum. VII. De non alienandis aut permutandis rebus Ecclesiasticis immobilibus, aut in specialem hypothecam dandis creditoribus, sed ut sufficiant generales hypothecæ. In Concilio Constantinopolitano sub Mena, anno Chr. 536. celebrato, Act. IV. recitatur *Sententia Epiphanii Patriarchæ & Synodi congre-*